



Ministry of Civil Affairs

Broj: 14-16-3-20-3/22
Datum: 30.11.2022. godine

Na osnovu člana 69. stav 2. tačka d) i člana 70. Zakona o javnim nabavkama BiH (Službeni glasnik BiH broj 39/14 i 59/22), ministrica civilnih poslova Bosne i Hercegovine donosi:

O D L U K U

o poništenju postupka nabavke

I

Poništava se postupak javne nabavke usluga unapređenja i nadogradnje aplikacije za obradu podataka iz oblasti državljanstva objavljenom na web portalu Agencije za javne nabavke BiH, broj obavještenja: 121-7-2-89-3-47/22 od 14.11.2022. godine, koji je proveden u skladu sa procedurom konkurentskog zahtjeva za dostavu ponuda.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 29.11.2022. godine do 11:00 sati, te da je do navedenog roka na protokol Ministarstva civilnih poslova Bosne i Hercegovine pristigla jedna ponuda i to ponuđača: „INET“ AGENCIJA ZA INFORMATIČKI INŽENJERING VLASNIK MIRSAD OMANOVIĆ. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što nijedna od primljenih ponuda nije prihvatljiva. Ponuda ponuđača „INET“ AGENCIJA ZA INFORMATIČKI INŽENJERING VLASNIK MIRSAD OMANOVIĆ nije uvezana jamstvenikom na način tražen Konkurentskim zahtjevom. U konkretnom slučaju ponuđač je dostavio ponudu koja je sadržavala jednu stranicu koja nije uvezana jamstvenikom, iako je tačkom 4 Konkurentskog zahtjeva jasno je navedeno da ponuda mora da bude osigurana,

odnosno uvezana jamstvenikom. Jamstvenik ima za cilj da omogući zajedničko uvezivanje cjelokupne dokumentacije odnosno svih stranica koje čine sastavni dio ponude u jednu cjelinu, na način da se onemogući naknadno umetanje ili vađenje bilo kojih dijelova odnosno stranica ponude, a sve iz razloga pravne sigurnosti kako u pogledu ugovornog organa tako i u pogledu ponuđača.

Ponuda nije prihvatljiva iz razloga što nije dostavljena Potvrda banke da račun ponuđača nije bio blokiran u posljednjih šest mjeseci, a što je traženo tačkom 2.3.2.a) Konkurentskog zahtjeva, odnosno dokaz u skladu sa članom 47. Zakona o javnim nabavkama.

Osim toga, ponuda nije prihvatljiva iz razloga što diplome tražene tačkom 2.4.2.b) Konkurentskog zahtjeva nisu dostavljene ovjerene, iako je jasno navedeno da je dokaze o kvalifikaciji navedene u tački 2.4.2 ponuđač dužan uz ponudu dostaviti u originalu ili ovjerenoj kopiji, osim certifikata za administratora Oracle baze podataka i certifikata za Oracle tehnologije i alate koji mogu da budu i obične kopije.

Komisija je prema specifikaciji navedenoj u Konkurentskom zahtjevu, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana donošenja ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DOSTAVITI:

1. *Web stranica Ministarstva – na objavu*
2. *a/a*